



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 1. Quid sit mouere ad exercitium actus, vel ad specificationem.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

respicit obiectum quod, & obiectum cui: hæc enim iuncta, non faciunt nisi vnum obiectum integrum: sicut attributum & subiectum coniuncta, non faciunt nisi vnum obiectum assensu.

Notandum tamen est, Hanc volitionem, quatenus respicit obiectum quod, vocari à Doctoribus amorem concupiscentię; quatenus autem respicit obiectum cui, amorem benevolentia, seu amicitia; Non quòd hic concurrant duo distincti actus, sed quia in eodem simplici actu concurrunt duo respectus ad duo obiecta partialia, ratione quorum, actus subit diuersas rationes, partiales tamen, & diuersa nomina. Itaque in omni huiusmodi actu includitur amor amicitia, & concupiscentia, generatim loquendo.

16 Ut autem propriè sit amor benevolentia erga aliquem, duo requiruntur.

Duo regulistica ad amorem benevolentia.
Primum, vt obiectum cui, sit aliqua natura rationalis; nam ad hanc solam propriè habetur benevolentia, seu amicitia. Quod si interdum brutis velimus aliquid bonum, id fit propter corum possessorem: vnde est benevolentia erga hunc, non erga ipsa. Si tamen quispiam illis benè velit, duntaxat vt illis benè sit, non habito respectu ad dominum, est affectus similis amicitia, & generatim dici potest amicitia vel benevolentia amor; vt colligitur ex Gabr. in 2. d. 6. q. vñica, a. 3. dub. 2. vbi ait: Sicut potest voluntas amare quodlibet ens amore amicitia, ita etiam potest quodlibet ens concupiscere anatum.

Secundum est, vt obiectum quod, id est bonum, si volitum illi naturæ rationali, duntaxat vt illi benè sit, non referendo hoc ad ulteriore finem. Explicatur exemplis: Si enim seruo tuo velis bonum vt tibi benè sit, non erit benevolentia erga illum, sed erga te ipsum: & hoc totum, seruum tuum benè habere, tantum est obiectum amoris, vt est concupiscentia. Sic si velis proximo tuo salutem propter Deum, seu vt Deus honoretur in illo; non est amor benevolentia erga proximum; sed erga Deum: Proximus autem ibi amaturo amore concupiscentia. Simili modo, dum omnem creaturam volumus esse, permanere, perfici ad gloriam Dei, est benevolentia erga Deum, non erga creaturam.

Dico Secundò, Etiam si voluntas eodem actu

quo fertur in obiectum quod, feratur etiam in obiectum cui, seu in personam, cui res illa appetitur; tamen non eodem modo fertur in illam personam, quando in eius bono immediatè sifit, & quando illud ad alterius bonum refert. Patet. Quando enim sifit in illius bono, tunc expresse & formaliter fertur in illam personam, tamquam in finem per modum intentionis, estque formaliter actus benevolentia erga illam; vt cum seruo vis sanitatem duntaxat vt ipsi benè sit, absque consideratione sui commodi: dum vero id ei vis in tuum commodum, tunc illo actu non ferris in ipsius personam, vt in finem, sed tamquam in medium ferris vero in tuam personam, vt in finem, sed solum implicitè, vt in rationem volendi: Sicut qui vult media, implicitè vult finem: tunc enim tuum commodum est volitum in ipsius commodo, sicut finis in medijs. Vnde & necesse est, vt præcesserit aliqua volitio, quæ immediata tuum commodum appetiſſt, ex cuius virtute perfecta est illa volitio, qua seruo sanitatem optas. Quare secundum astimationem morale hoc actu censeras magis amare teipsum, quam seruum tuum, quia ratio cur illi velis bonum, non est bonum ipsius, sed bonum tuum. Similiter illo actu quo desideras proximo salutem, vt Deus honoretur, magis amas Deum quam proximum, etiam si tunc de Deo non cogites. Itaque in ratione virtutis, potius est dilectio Dei quam proximi. Nam bonum proximi se haberet ut obiectum materiale, vel ut medium; Dei autem, ut obiectum formale illius actus, vel ut finis. Simili modo, iudicandum est de actu odij, quo quis odit peccatum propter Deum, de quo hic Caietanus ait, Hoc odium, esse simul velle & nolle, esse actum charitatis erga Deum, & refutatio respectu peccati. Quod non sic intelligendum est, quasi utrumque ei formaliter conveniat; sed quod alterum ei formaliter, alterum virtute conveniat. Hic enim actus non fertur expresse in Deum; sed solum implicitè & virtute: vnde non est formaliter amor Dei, sed virtute tantum, quatenus prima ratio huius odij est Deus; oritur enim ex amore Dei; sicut electio medijs ex amore finis. Est tamen alio sensu actus charitatis; quia elicitus ab habitu charitatis.

17

QVÆSTIO NONA.

De Motu Voluntatis.

ARTICVLVS PRIMVS.

Vtrum voluntas moueatur ab intellectu?

Respondet duabus Conclusionibus. Prior est, Voluntas mouet omnes alias animæ potentias ad exercitium actus. Hinc sequitur, quod etiam moueat intellectum ad exercitium; & consequenter quod intellectus non moueat voluntatem ad exercitium, sed voluntas seipsum. Loquitur D. Thomas tantum de illis animæ potentijs quæ interdum agunt, interdum non agunt; quæ enim semper agunt, à natura sunt applicatae ad agendum.

Altera Conclusio. Intellectus mouet voluntatem secundum specificationem actus.

DVBIVM I.

Quid sit mouere ad exercitium actus, vel ad specificationem.

Respondeo, Mouere ad exercitium, est per intrinsecam applicationem potentie ex parte subiecti esse causam, cur hæc & nunc agat potius, quam aliæ. Dico, Per intrinsecam applicationem; quia extrinseca applicatio, vt cum quis ignem applicat lignis, non sufficit vt quis dicatur propriè causam agentem mouere ad exercitium. Dico, Ex parte subiecti; quia qui proponendo obiectum est causa

Mouere ad
specifica-
tionem.

est causa cur potentia h̄c & nunc agat, non mouet ad exercitium. Mouere ad specificationem actus, est esse causam praeceps cur actus ille, qui ex parte potentiae est indifferens ad varias species, sit potius huius speciei, quam alterius; vt quod h̄c intellectio, h̄c volatio, h̄c visio sit potius huius speciei, quam alterius, referendum est in illud quod mouet ad speciem actus.

Potentiae
ex se ad
certa spe-
ciei opera-
tionem
determina-
re, non
eagent mo-
tore.

Hinc sequitur, Primo, Eas potentias quae ex natura sua ad tertie speciei operationem sunt determinatae, non egerent motore ad exercitium actus, vel ad specificationem: vt sunt, vis alendi, concoquendi, attrahendi, vis pulsatrix cordis & arteriarum. Nec refert quod haec vires egerant materiam vt excent in actu; quia ex parte sua sunt determinatae ad certam operationem.

Dices, D. Thomas ait, Id quod est in potentia ad agere & non agere, eget motore, quo ad exercitium actus mouetur: atqui illae vires sunt in potentia ad agere & non agere; quia non semper agunt.

Respondeo, Has vires neque ex parte sua praecise, neque ex parte subiecti ventis, esse in potentia ad agere & non agere, sed solum defectu materiae. D. Thomas loquitur de eo quod ex parte sua, vt est voluntas; vel, vt est in talis subiecto, est indeterminatum & indifferens ad agere & non agere; vt intellectus, phantasia, appetitus sensitivus, &c.

Neque sen-
sus exter-
iores.

Sequitur Secundo, Sensus exteriorum non egerent motore, quo directe moueantur ad exercitium; quia natura sua sunt determinati ad exercitium actus, praesente obiecto; sed tantum egerent motore indirecte, quatenus per motum localem debent applicari obiecto, vel impedimentum interpositum tolli; vt patet in oculis, obductis vel reduitis palpebris.

D V B I V M I I.

Virum voluntas moueat alias animae potentias ad exercitium actus, & quo modo?

Voluntas
mouet
potentias,
qua non
sunt ex
parte sub-
iecti deter-
minata,
vt semper
egant.

Dico Primo, Certum est, voluntatem in hominibus, & appetitum sensitivum in brutis mouere alias animae potentias, qua ex parte subiecti non sunt determinatae ut semper agant, ad exercitium actus. Patet experientia: proxima enim ratio cur homo vel brutum hoc vel illud agat, est quia vult. Ratio a priori est, quam h̄c insinuat D. Thomas; quia voluntas in homine, & appetitus sensitivus in brutis, est inclinatio seu pondus, quo fertur in totum bonum suppositi. In alijs autem viribus, est solum inclinatio in aliquod bonum particulare suppositi; in intellectu ad intellectualem, in sensu interiore ad imaginationem: atqui inclinatio in bonum totius, debet mouere & indicare inclinationes particulares; quia bona particularia debent referri ad bonum totius: sicut causa qua respicit finem uniuersalem, mouet causas qua respiciunt fines particulares, ut optimè explicat D. Thomas exemplo ducis exercitus.

Secundo, Voluntas est inclinatio in bonum totius: atqui hoc bonum non potest ipsa per se consequi, sed solum mediantibus alijs potentij: ergo necessè est ut possit alias potentias ad hoc bonum prosequendum mouere.

Dico Secundo, Quod ad modum huius motionis attinet, voluntas non mouet alias potentias effectuè, per realem aliquem in eas influxum; sed tantum ratione naturalis connexionis, quam illæ cum voluntate in eadem essentia habent.

Non mouet
eas per rea-
lem influen-
tiam in eas.

Prior pars est ferè communis DD. & Probatum; Quia vires inferiores sunt per se, siveque perfectiones intrinsecas, satis idoneæ ad producendos suos actus secundum substantiam, & omnes modos intrinsecos illorum: ergo frustra poneretur influxus voluntatis in illas. Antecedens pater, Intellectus enim instrutus habitu conueniente, seu specie intelligibili, est sufficiens ad omnem intellectualem; nec illa est ratio formalis, vel modus intrinsecus in actu intellectualem, ad quem opus sit influxu voluntatis. Ut enim est intellectio, est à potentia intellectiva; vt est supernaturalis, est ab habitu vel auxilio supernaturali, tamquam à proprio principio: vt autem est huius vel illius speciei, est ab obiecto mediatae specie intelligibili.

Dices, Illa intellectio est etiam voluntaria & libera: atqui hoc non habet nisi à voluntate: ergo influxus voluntatis ad hoc erit necessarius.

Respondeo, Est voluntarium & liberum non superaddit actu aliiquid intrinsecum, sed solum extrinsecam denominationem ab actu voluntatis. Idem dicendum est de actu imaginationis, appetitus sensitivus, sensuum exteriorum & potentia motu, siue haec ponantur immediate in anima, siue in instrumento corporeo.

Vtrum autem voluntas possit causare immediate motum localem in corpore, vt Medina hoc loco putat cum quibusdam alijs Doctoribus, dubitari potest. Sed omnino verius est, voluntatem non esse causam immediatam motus localis, & dari potentiam motricem, à qua effectuè & immediate procedat motus; quam potentiam voluntas duntaxat applicet: de qua plura in 7. parte, q. 25.

Altera pars probatur; quia non superest alijs modus mouendi illas vires; & hic sufficit. Vel enim vires animæ non distinguuntur ab anima, sed sunt ipsam animæ essentia, quatenus idonea ad varias operationes; vt intellectus nihil aliud sit, quam ipsa essentia animæ, vt est idoneum principium intellectualem; & voluntas: sit eadem essentia, vt est idoneum principium volitionis, & sic de ceteris, quia sententia est satis probabilis, eamque optimè explicat & defendit Gabr. in 2. d. 16. q. vniqa.) Et hoc modo facile est intelligere, quo modo altarum virium operatio possit à voluntate dependere, cum iuxta hanc sententiam omnes vires non sint nisi vna simplex anima, quæ cùm vult, essentia tota in rem voluntatem trahitur; & consequenter ex illa essentia sequitur operationes, & consequenter ad illam rem obtinendam. Vel vires animæ distinguuntur realiter ab essentia animæ, sic tamen vt ab eadem manent, & in eadem existant; & dum operantur ipsæ, essentia quoque influxum in opus habeat. Et hoc etiam modo facile intelligi potest connexionem potentiarum in operando: dum enim voluntas vult alicuius potentiae operationem, v.g. intelligere, imaginari, ambulare, tota essentia trahitur per voluntatem in illam operationem; & consequenter etiam potentia propria, qua illa operatio elicetur.

Idem confirmatur à simili. Sicut enim operatio intellectus dependet ab operatione sensus interioris;

Voluntas
mouet alias
potentias
ratione
naturalis
vniuersitatis
vel connec-
tionis in
eadem es-
sentia.